

ընկալան, և յաժմս ոմն ովսէփ անուն արքեպիսկոպոս եկաւ վասն նոյն խնդրքի, եկաւ այս մօտ որերս ձեռնադրութիւն պիտի անէ քօլէճի տղոց. ինքն մին հեզահոգի և հանդարտ բնութեամբ անձ է, եղէտու Արքեպիսկոպոս է: (Պատկերասևան Յովհաննէս առ Մեղգոնեան, 1750 դեկտ. 6. [Հռովմ]):

ձիղ.

Ուրախ լեր, զի ստացաք զճշգրիտ գաղափար հայկական արարողութեանց և ըստ այնմ յաշու-
ղեցաւ առնել զձայնաւորն... եղև շինութիւն և ուրախութիւն ամենեցուն, ընդ որ հիւանան իտա-
լացիքս լցեալ զմայլմամբ և ջերմեռանդութեամբ: Եւ եղև սկիզբն սորա ի սուրբ ստեփաննոսի
նախավկայի տօնին, և ի տօնի սրբոյն անտօնի աբբային, և ս քան զևս փառաւորագոյն մատուցաք
զնոյն, առաջակայութեամբ և կայթմամբ և սրտատրոփ ցնծութեամբ Մինաս վարդապետին, Սարգիս
վարդապետին և մեծամեծ հայոց քաղաքիս, և անհամար բազմութեան իտալացոց խոնելոց յա-
ղագս Անտօնեան տօնին: Եւ մինաս վարդապետն ցնծալից սրտիւ ընծայեաց մեզ զմեծագին շուրջառ
իւր, ընդ նմա և զվակասն և զեմփոքորն և զարծաթի կամարն հանդերձ ամենայն կազմածովքն:
(Մեղգոնեան առ Հ. Զարարիս վրդ., 1751 մարտի 19. Վեկտիկ):

ձիթ.

Զարարողութիւնս պատարագի որպէս զձայնաւորինն, նոյնպէս և զթուոյն ամենայնիւ հո-
գացաք լինիլ ըստ հայկական ծիսի. և վաղու ևս սկսեալ ենք վարիլ նովաւ, մեծաւ խաղաղու-
թեամբ և հաճոյ թուելով ամենայնից, եթէ հայոց, և եթէ իտալացոց: Նոյնպէս և ի զգեստս
ձայնաւորին վարիմք ամենայնիւ ըստ հայկականին մինչև ցաղաւարտն ևս: Ուստի եթէ իցէ ոք,
որ կամիցի շուրջառ շինել կազմածովք, կարէ շինել և զսաղաւարտ: Այլ և զտօնս սրբոց և զըն-
թերցուածս և զաւետարանս պատարագին, յօրինեալ կարգեցաք ամենայնիւ ըստ հայկականին, ի
բաց քերելով զամենայն եկամուտ: Այլ և զդասն ի մերձակայ աուրս անցուցանեմք յառաջոյ կողմս
աւագ բեմին, ի ներքս խաղացուցեալ զաւագ բեմն: (Հ. Վրբանէս վրդ. [Ասկերեան] Արքատկայ
Մեղգոնեանի առ Հ. Զարարիս վրդ., 1751 յունիս 16. Վեկտիկ):

ձի.

Քիլիս բովանդակն քանդեցաւ, քանզի վասն քիւրտի նստեալ է անդ սարը ապտրահման փա-
շայն, սպաննօղն զսարը պէկ օղլուն, և հանապազ ջարդէ զքիւրտս. զանթիւ զօրս սփռեալ է ի
վերայ տանց քիլիսուն պահել զնոսա. և զկէսն քիլիսուն քանդեալ է ի բնակութիւն զօրաց, և
ինքն բոլոր քիլիսն է իբրու մօռայ կղզին վէնէտիկու: Զանթիւ մեծամեծս քաղաքին սպանանէ,
կարծիս առեալ թէ քիւրքին կողման ջատագովք իցեն: Զհազար քիւրտս հնարիւք մուծեալս ի
քաղաքն սպան. հաշտիլ կամեցան քիւրտքն տալով զ30 քօակս արծաթոյ, սակայն ոչ կամեցաւ:
Հրաման եհան զի ոչ ոք ի զօրաց իւրոց ուսմագան պահեսցէ: (Հ. Գեորգ [Պաղտատեան] առ Մե-
ղոնեան, 1751 Օգոստ. 8. [Պոլիս?]):

ձիւ.

Վասն բազմանալոյ անձանցն, և վասն ոչ բաւելոյ մեզ զօռօյին, քակեցաք զաւար բեմն, և
յետ կոյս տարաք, և զօռօյն առաջի սեղանոյն շինեցաք և եղև յոյժ վայելուչ, թէպէտ դեռ բո-
լորովին ոչ է եզերեալ: (Մեղգոնեան առ Հ. Միքայել, 1751 Օգոստ. 13. [Վեկտիկ]):